



NOREN BIZKAR?

Kontsumoaren gizartea ez da debaldekoa, ordea.
 Munduaren laurdena bapo bizi gara,
 beste hiru laurdenen kontura.
 Merke erosten dugu,
 norbaitek miseria truke egin duelako lan.
 Munduko gosea txanponaren beste alde da.



Andoni
Egaña
Makazaga

Jon
Sarasua
Maritxalar

Iragarkia



Doinua:

*Mundu hau uzten bazun
Hamarreko txikia*

MAISU RUANDA ZER DA?

-Maisu Ruanda zer da
laburki **esanda?**

Telebista denetan
aipagai **izan da.**

- Hori galdera zaila
behin behar **nuan da**
ezten baten premia
genu(e)n **barruan da**
bihotzean ezten bat
hori da **Ruanda.**

-Maisu gu zer gerade
lagun ala **etsai?**

- Erantzungo dizut ta
egon zaitez **lasai:**
lurak bihurtzen gaitu
arriba ta **anai**
lurra denona dela
entzuten da **nonahi**
lurra denona bada
lur gaina ere **bai.**

-Han gutxi ta hemen asko
dabilkigulako,

zergatik dugu asko?

- Behar **dugulako**

-Zergatik behar hori?

- Sortu **zutelako.**

-Zergatik sortu zuten?

- Negoziarako.

-Norentzat **negozio?**

- **Betikoentzako.**

-Maisu zer da gupida,
zer **elkartasuna?**

- Hori galdera zaila
egin **didazuna**
biak zakuak dira
ikasle **laguna**
gupida izan leiken
zakurik **estuna**
elkartasuna berriz
hondorik ez **duna.**

-Maisu duda bat daukat
barrenean **hara**
bertan izanik hainbat
arazo ta **traba**
zertan jo behar dugu
urrutietara?

- Urrutikoa hurbil
sentitzen ez **bada**
hurbilekotik urrun
aurkituko **gara.**

-Hemen asko dugu ta
han ez dute **bat'e**
ontzia ezin al da
erdiraino **bete?**

- Arrazoia daukazu
ai, ikasle **maite:**

guk sobran dugunakin
han nahikoa **dute**
ta guk nahiko bagenu
han sobran **lukete.**